

✉ Re: Borgarlína | Ártúnshöfði - Hamraborg

Búið til	10.6.2020 14:15:44
Höfundur	Trausti Baldursson
Sent	10.6.2020 14:15:44
Tilheyrir	📁 202005-0032 - Verkefnastofa Borgarlínu kynnrir drög að matsáætlun vegna fyrstu lotu Borgarlínu, Ártúnshöfði - Hamraborg.

Efni

Re: Borgarlína | Ártúnshöfði - Hamraborg

Upplýsingar

Vinnsla

Sent	10.6.2020 14:15:44	Staða	Imported
Eigandi		Tímamörk	
Skjalalykill	42-2 Umsagnir um matskýrslur/matsáætlanir		
Lykilorð			

Þátttakendur

Frá	Trausti Baldursson - NI (Trausti.Baldursson@ni.is)
Til	hrafnkell@borgarlinan.is
Cc	borgarlinan@borgarlinan.is

Innihald

Vísað er til meðfylgjandi tölvupósts, dags. 19. maí sl., þar sem kynnt eru drög að matsáætlun vegna Borgarlínu, Ártúnshöfði - Hamraborg þar sem Náttúrufræðistofnun Íslands er gefin kostur á að gefa umsögn um áætlunina.

Samkvæmt 68. gr. laga um náttúruvernd nr. 60/2013 er Náttúrufræðistofnun ekki lögbundinn umsagnaraðili um matsáætlanir og hefur Náttúrufræðistofnun því fyrst og fremst sinnt umsögnum um matsáætlanir þegar þær berast frá Skipulagsstofnun (forgangsröðun vegna skorts á mannafla), en Skipulagsstofnun hefur sérstaklega óskað eftir því að stofnunin gefi umsagnir um matsáætlanir. Náttúrufræðistofnun mun því veita endanlega umsögn um matsáætlun fyrir Borgarlínuna þegar hún berst frá Skipulagsstofnun.

Að framangreindu sögðu þá hefur Náttúrufræðistofnun lauslega litið yfir áætlunina og þá fyrst og fremst umfjöllun sem snýr að hlutverki stofnunarinnar en Borgarlínan er að stærstum hluta innan þéttbýlis og því að stórum hluta utan hlutverks Náttúrufræðistofnunar ef svo má að orði komast. Engu að síður er hlutar línunnar sem fara um mikilvægi svæði hvað varðar náttúruminjar s.s. Fossvog og Elliðaárvog og önnur svæði sem geta skipt máli fyrir lífríki innan þéttbýlis borgarinnar, s.s. um svæði við Tjörnina. Matsáætlunin eins og hún er nú í drögum virðist koma ágætlega inn á þessi atriði. Einnig er rétt að benda á að Náttúrufræðistofnun hefur í öðrum málum s.s. vegna þverunar Fossvogs með brú og nærliggjandi skipulagsáætlanir, komið inn á ýmis atriði sem þarf að mati stofnunarinnar að taka tillit til s.s. að eyðileggja ekki frekar náttúrulegar fjörur í Skerjafirði en þetta á einnig við um Elliðaárvog. Umræddar umsagnir eiga að vera aðgengilegar hjá skipulagsyfirvöldum borgarinnar.

Þar sem fyrirhugað er að Borgarlínan fari í mat á umhverfisáhrifum eru hér meðfylgjandi nokkrar almennar upplýsingar og ábendingar um náttúruvarnarmál og náttúruvernd, sem sumar eiga beint við um þau svæði sem nefnd hafa verið hér að framan, en aðrar fjalla um ýmislegt sem taka þarf tillit til sbr. lög um náttúruvernd.

Almennar ábendingar og upplýsingar sem geta nýst við mat á umhverfisáhrifum eða skipulags fyrir Borgarlínu:

Almennt vill Náttúrufræðistofnun benda á að í lögum um náttúruvernd nr. 60/2013, sem gilda einnig í hafi, er að finna ýmis ákvæði sem eru leiðbeinandi um hvernig ber að nálgast vernd náttúruminja (s.s. lífríkis, jarðminja og landslags). Náttúrufræðistofnun leggur áherslu á að í allri matsvinnu/skipulagsvinnu sé skoðað hvernig framkvæmdir/skipulag samræmast almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*). Einnig þarf að skoða einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útvist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Við mat á umhverfisáhrifum er mikilvægt að skoða áhrif framkvæmda m.t.t. allra framangreindra lagagreina ef þær eiga við.

Náttúrufræðistofnun vill einnig benda á að finna má ýmsar upplýsingar um náttúru Íslands á heimasíðu stofnunarinnar www.ni.is (<http://www.ni.is/>) þ.á.m. eftirfarandi gögn sem geta komið að notum: Fjölrit nr. 54, Vistgerðir á Íslandi (sérstaklega fjöruvistgerðir), http://utgafa.ni.is/fjolrit/Fjolrit_54.pdf og <http://ni.is/grodur/vistgerdir> sjá jafnframt kortasjá <http://ni.is/midlun/utgafa/kort/vistgerdakort>, og Fjölrit nr. 55, Mikilvæg fuglasvæði, <http://ni.is/dyr/fuglar/mikilvaeg-fugasvaedi> og http://utgafa.ni.is/fjolrit/Fjolrit_55.pdf. Jafnframt er bent á að stofnunin hefur nýlega lagt til við umhverfis- og auðlindaráðuneytið, að vernda skuli ákveðin svæði á landinu og að þau verði sett á framkvæmdaáætlun eða B-hluta náttúruminjaskrár í samræmi við lög nr. 60/2013. Öll svæðin má sjá hér: <http://ni.is/midlun/natturuminjaskra> en einnig má skoða tillögurnar í kortasjá, <https://natturuminjaskra.ni.is/>. Á það skal bent að tillögur Náttúrufræðistofnunar til ráðherra eiga eftir að fara í formlegt ferli í samræmi við 36. grein fyrrgreindra laga. Á þessari stundu segja tillögurnar því ekkert um hvort ákveðið skipulag/starfsemi falli að verndartillögu eða ekki eða hvort tillaga nái fram að ganga. Ná tillögurnar fram að ganga á einnig eftir að fjalla um skilamála sem varða verndina. Það skal því ítrekað að hér er um faglegt álit Náttúrufræðistofnunar að ræða sem eftir á vinna úr í samræmi við lög um náttúruvernd. <http://ni.is/midlun/natturuminjaskra>. Finna má upplýsingar um aðferðafræði við mat á verndargildi og val á verndarsvæðum hér: <http://utgafa.ni.is/skyrslur/2019/NI-19008.pdf> (<http://utgafa.ni.is/skyrslur/2019/NI-19008.pdf>).

Einnig má finna upplýsingar um 61. gr. laga um náttúruvernd hér: <https://ni.is/midlun/utgafa/kort/serstok-vernd> og upplýsingar um jarðfræði Íslands hér: <https://jardfraedikort.ni.is/>.

Finna má upplýsingar um seli og selalátur hér: http://utgafa.ni.is/fjolrit/Fjolrit_56.pdf (http://utgafa.ni.is/fjolrit/Fjolrit_56.pdf) og hér <http://selalatur.ni.is/> (<http://selalatur.ni.is/>)

Yfirlit yfir válista, plöntur og dýr, má finna hér: <https://ni.is/midlun/utgafa/valistar>.

Náttúrufræðistofnun leggur áherslu á að allar ákvarðanir í mats- eða skipulagsvinnu byggji á sem bestum þekkingargrunni hvað varðar náttúruvarnarmál og að alltaf sé leitað leiða til að koma í veg fyrir neikvæð áhrif á náttúruna. Mikilvægt er í mati á umhverfisáhrifum að fagleg og vísindaleg rök séu færð fyrir þeim niðurstöðum sem komist er að, t.d. hvað varðar áhrif á náttúru þeirra svæða sem Borgarlínan fer um, en ekki stuðst við órökstuddar ályktanir.

Náttúrufræðistofnun áskilur sér rétt til að koma að frekari athugasemdum á síðari stigum þessa máls gerist þörf á því.

Virðingarfyllt,

Trausti Baldursson

Forstöðumaður vistfræði- og ráðgjafardeildar
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is (mailto:trausti@ni.is)



From: "Hrafnkell Proppé" <hrafnkell@borgarlinan.is>
To: "Haraldur Sigurðsson" <haraldur.sigurdsson@reykjavik.is>; "Birgir H. Sigurðsson" <birgir@kopavogur.is>
CC:
Subject: Borgarlína | Ártúnshöfði - Hamraborg
Date: 19.5.2020 08:40:44

Ágæti viðtakandi,

Verkefnastofa Borgarlínu kynnir drög að matsáætlun vegna fyrstu lotu Borgarlínu, Ártúnshöfði – Hamraborg.

Í drögunum er m.a. gert grein fyrir:

- Forsendum og markmiðum Borgarlínu
- Framkvæmdum vegna Borgarlínu og tillögu að stöðvum
- Hvernig staðið verður að vinnu vegna mats á umhverfisáhrifum
- Umhverfisþáttum sem kunna að verða fyrir áhrifum
- Gögnum og rannsóknum sem lögð verða til grundvallar matinu

Drögin eru aðgengileg á vefsíðu Borgarlínunnar, www.borgarlinan.is (<http://www.borgarlinan.is>). Þar er einnig vefsíða um verkefnið og matsáætlunina. Þar er jafnframt hægt að koma á framfæri ábendingum og merkja þær á kort.

Verkefnastofa óskar eftir ábendingum um drög að matsáætlun, s.s. hvað varðar framkvæmdina og markmið, staðsetningu stöðva, rannsóknir og matsspurningar.

Pau sem vilja koma á framfæri ábendingum skulu senda skriflegar athugasemdir eða ábendingar á netfangið borgarlinan@borgarlinan.is (mailto:borgarlinan@borgarlinan.is) eða Borgarlínan, Hamraborg 9, 200 Kópavogur. Jafnframt er hægt að senda ábendingar í vefsíðunni.

Frestur til að senda inn ábendingar er til 9. júní n.k.

Hrafnkell A. Proppé,

Verkefnastjóri

Viðhengi

image001.gif (2 KB)

